



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03 i 34/03), a u vezi sa čl. 25. ("Službeni list RBiH", br. 6/92, 8/93 i 13/94) i Odlukom o standardima i kriterijima za imenovanje na poziciju predsjednika i članova upravnog odbora i predsjednika i članova Nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo broj: 02-05-15617-9/13 od 28.05.2013. godine, ministar za rad, socijalnu politiku, raseljena lica i izbjeglice Kantona Sarajevo raspisuje

P O N O V N I O G L A S
za imenovanje kandidata na poziciju predsjednika i članova upravnog
odbora javnih ustanova iz oblasti rada, socijalne politike, raseljenih lica i
izbjeglica Kantona Sarajevo

Oglašavaju se pozicije u:

JU "Služba za zapošljavanje Kantona Sarajevo" Sarajevo

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

KJU "Dom za djecu bez roditeljskog staranja"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

KJU "Gerontološki centar"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

JU Terapijska zajednica - Kampus – Kantona Sarajevo

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

KJU "Disciplinski centar za maloljetnike"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

KJU "Porodično savjetovalište"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

JU "Kantonalni centar za socijalni rad"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

KJU "Dom za socijalno zdravstveno zbrinjavanje osoba sa invaliditetom i drugih osoba"

- Predsjednik upravnog odbora..... 1
- Član upravnog odbora 4
- (Dva člana upravnog odbora imenuju se iz reda zaposlenika Ustanove)

Opis pozicije:

Upravni odbor obavlja poslove od značaja za oblast kojom se bavi javna ustanova, a koji se sastoje u: donošenju Pravila/ Statuta ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju opšteg akta o unutrašnjoj organizaciji i sistematizaciji poslova i drugih opštih akata u skladu sa zakonom i pravilima/statutom ustanove, odlučivanju o svim pitanjima obavljanja djelatnosti radi koje je ustanova osnovana, ako zakonom nije određeno da o određenim pitanjima odlučuje drugi organ ustanove, usmjeravanju, kontrolisanju i ocjenjivanju rada direktora, rješavanju svih pitanja odnosa sa osnivačem, odlučivanju o korištenju sredstava preko iznosa utvrđenog pravilima/statutom ustanove, odgovornosti osnivaču za rezultate rada ustanove, podnošenju osnivaču najmanje jednom godišnje izvještaja o poslovanju ustanove i drugim poslovima u skladu sa zakonom i pravilima/statutom ustanove.

Predsjednik i članovi upravnog odbora imenuju se na period od 4 (četiri) godine i mogu biti ponovo imenovani.

Naknada za rad u upravnom odboru utvrđuje se aktom Vlade Kantona Sarajevo.

Kandidat za imenovanje mora ispunjavati slijedeće opšte uslove:

- a) da je stariji od 18 godina (dokaz: Izvod iz matične knjige rođenih, ne starije od šest mjeseci, osim ako se radi o dokumentu koji je trajnog karaktera),
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije (dokaz: Izjava potpisana i ovjerena od strane nadležnog organa),
- c) da se na njega ne odnosi član IX.1. Ustava Bosne i Hercegovine (dokaz: Izjava potpisana i ovjerena od strane nadležnog organa).

Pored navedenih opštih uslova kandidat koji se prijavljuje na Ponovni Oglas mora ispunjavati i slijedeće posebne uslove:

- a) da je državljanin Bosne i Hercegovine (dokaz: Uvjerenje o državljanstvu ne starije od šest mjeseci),
- b) da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora javne ustanove i predsjednika i člana nadzornog odbora javne ustanove,
- c) da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora javne ustanove i predsjednika i člana nadzornog odbora javne ustanove,
- d) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova) (dokaz: Diploma o stečenom visokom obrazovanju),
- e) da ima najmanje dvije godine radnog iskustva u struci (dokaz: Uvjerenje/Potvrda o radnom iskustvu o struci),
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine broj: 70/08) (dokaz: Izjava potpisana i ovjerena od strane nadležnog organa),
- g) da nije član više od jednog upravnog odbora ili nadzornog odbora (dokaz: Izjava potpisana i ovjerena od strane nadležnog organa),
- h) da nema privatni finansijski interes u javnoj ustanovi u čiji se upravni i nadzorni odbor imenuje (dokaz: Izjava potpisana i ovjerena od strane nadležnog organa).

Za predsjednika i članove upravnog odbora javne ustanove ne može biti imenovan državni službenik koji je zaposlen u organu državne službe nadležnom za vršenje bilo koje vrste nadzora nad javnom ustanovom.

Dokaze o ispunjavanju posebnih uslova iz tač. b) i c) pribavit će Ministarstvo za rad, socijalnu politiku, raseljena lica i izbjeglice Kantona Sarajevo, po službenoj dužnosti.

Kandidat je dužan uz prijavu na Ponovni Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju opštih i posebnih uslova traženih Ponovnim Oglasom, u roku od 15 (petnaest) dana od dana posljednjeg objavljivanja.

Ponovni Oglas će biti objavljen u “Službenim novinama Federacije Bosne i Hercegovine”, u dnevnom listu “Dnevni avaz” i na web stranici Kantona Sarajevo.

NEPOTPUNE I NEBLAGOVREMENE PRIJAVE NEĆE SE UZETI U RAZMATRANJE.

Prijave na Ponovni Oglas se dostavljaju na adresu: Kanton Sarajevo- Ministarstvo za rad, socijalnu politiku, raseljena lica i izbjeglice – Komisiji za izbor, Sarajevo, ul. R.Dž. Čauševića broj 1. Pisarnica, uz naznaku: Prijava na Ponovni Oglas – Upravni odbori javnih ustanova iz oblasti rada, socijalne politike, raseljenih lica i izbjeglica Kantona Sarajevo.

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo.

Kandidati koje nakon intervjua predloži Komisija za izbor, smatrat će se da su najuspješnije prošli otvorenu konkurenciju.

Konačno imenovanje predsjednika i članova upravnog odbora izvršiti će Vlada Kantona Sarajevo na osnovu sastavljene liste povoljno ocijenjenih kandidata.



web: <http://mrsri.ks.gov.ba>
e-mail: mrsri.mrsri@ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

